

編號 1 號

【板圓情，爺哀心】徐熏琪原作

人生，總會有一種味緒恬恬仔囡在心肝肚陪等過日仔……。

從細係斯戴在白石下個山崑背，過個係用茅屋、泥壁抵風遮水個生活，門檻、籬笆掌等係無愁無慮個童年，這種環境係係記憶中最靚個景緻。

該係民國五、六十年臺灣民生經濟正愛起步個年代，爺哀連續續降七、八個大細，在該係艱辛個環境愛摻子女撫養長大實在無恁該，還記得阿姆見擺食飯就會講：「細人仔有麼個斯食麼個，番薯籤準飯划¹，天生天養乖乖大。」又講：「飯糝划淨莫打爽，座食無座爽。」這兜話從細聽到大，係毋單淨聽入耳，還聽入心，一溜里來斯養成痛惜食物個好習慣。

家境窮苦個日仔，閒時間節細人仔哪有零星錢好買零嗒食。係最望個就係過年過節打板個時節，目勾勾仔望等阿姆去米店糴糯米轉來；目金金仔看等阿姆浸米；目晶晶仔看等一圈又一圈白雪雪個板漿對磨石嘴流落板袋肚。係咁啲仔等，口水緊吞緊問阿姆：「還愛幾久正做得个板呢？」佢總係笑笑仔應：「慧嫲！

¹ 划：音 paˋ；把食物撥進嘴裡。

細人仔有耳無嘴，恬恬看！」慧慧个係就恬恬看阿姆拿紅索仔，摻張好板漿个板袋放在長凳板縲繩砵分佢燥，等過半晝邊咧，阿爸就會喊細啲仔來搨手个板，佢个一下、个一下，毋使幾久，板就个好咧！再過你一隻、个一隻，一下工定毛蘭就張滄大大細細个板圓。還記得逐擺接板圓，阿姆就會講：「惡手毋當兩²！」該量時毋知頭天个係，總係會踅嘴尾唸，毋知這句話裡肚有麼个人生个道理，等到自家成家立業後，正知得這句話原來係等一種味緒，這種味緒有爺哀教个「接板圓」个人生滋味！

係認為板圓愛好食毋單淨愛真材實料、鹹淡堵好，最要緊个係共心个溫情，用手工接出來个板圓特別有味緒、特別錫人吃！人生就像板圓共樣，愛磨、愛砵、愛个、愛接、愛有鹹淡，正有味道！逐隻板圓裡肚就會係等逐儕最寶貴、最值得珍藏个溫情，肯磨、肯接，煞猛打拚總會換來自家最好个人生，不管係鹹抑係淡，全部就係「圓滿」。

² 惡手毋當兩：音 og shiuˋ m dongˋ liongˋ；再厲害的人也比不上眾人的力量。

編號 2 號

【搞頭王】曾秋梅原作

放寮日，臨天光斯會分大人喊躡床，去田町搵手割田塍草、掌牛，無人敢在眠床搵等。無細人仔搞个禾埕，恬靜到連狗都懶蠕蠕仔，搵在花樹頭下啄咕¹。毋過當晝一過，歸禾埕都係細人仔在該搞，噉噉嘶嘶²，吵到屋頂都會掀忒。

伙房个阿正牯係有名个搞頭王，當晝頭老人家愛睡目，佢斯偏偏愛摻一大陣半大細个伴在禾埕搞球仔，擲過來、擲過去搞到當快樂。球仔係無生目珠輪³到叔婆屋下去，該就艱苦哩啲！叔婆非常惡，阿正牯天毋驚地不怕，斯驚叔婆，佢躡腳尾⁴落去尋球仔，無想著球仔分叔婆拗等，齧牙齒⁵大聲罵：「你這兜孬囉仔攏死人，想愛睡一下當晝斯做毋得，佢摻球仔破破⁶忒佢，看你兜愛搞麼个。」阿正牯嚇到面壘青，煞煞瀉等出，企在屋簷下，嘴町噉噉啣啣又緊蹬腳。

臨暗仔阿正牯又在禾埕搞園人尋。伙房屋像老鼠空，佢兜細

人仔春上春下，驚分人尋著，連屎缸斯走落去園。阿正牯膽當大，跳到豬欄裡背園，無細義嘎踪著豬子，豬子痛到噉噉滾，阿正牯嚇到颯等出來，好死毋死嘎徑著豬筲橫著，額頭推著牆頭起一隻癭，分厥爸打到喊毋敢。

熱天个時節，莊下个細人仔當好去河壩搞水，搞啊搞仔，毋使花錢就學會泗水仔咧。西北橋下个河壩水係三洽水，三洽水會合个地方就會形成扭皺窟⁷，頂高看啊下當得人驚。

有一日，阿正牯又弛崗打陣去河壩洗身仔，該下，在河壩搞水通棚都係脫光光在河壩跳上跌落，無麼个好見笑个。大家搞到當興頭个時節，阿正牯對橋頂出力一跳，唉哉！「四溝水⁸人蹬牛屎——的準⁹」，嘎跳落扭皺窟肚毋見忒咧！共陣个人驚到大嫲牯聲喊：「救命哦！有人分水浸著咧！」阿正牯命當大，該量時堵好有一個在河壩脣掌牛个後生仔，佢聽啊著牛索一放，遽遽跳落水竇肚，摻沉到扭皺窟个阿正牯救起來。

人講：「大難不死，必有後福」，搞頭王阿正牯出社會以後，正式在臺北做頭路賺盡多錢，對莊肚个修橋鋪路出錢當大概。還較重要个係對救命个恩人，過年過節一定大擺細擺去佢屋下答謝，無一年跌忒過。

¹ 啄咕：音 dug gu；打瞌睡時頻頻點頭貌。

² 噉噉嘶嘶：音 ve ve se\ se\；大聲喊叫。

³ 輪：音 lin\；滾動。

⁴ 躡腳尾：音 nen\ giog mui\；提起腳跟。

⁵ 齧牙齒：音 ngad nga sen\ chi\；咬牙切齒。

⁶ 破：音 po\；剖開。

⁷ 扭皺窟：音 ngiu\ ziu\ fud；漩渦。

⁸ 四溝水：音 si\ gieu\ shui\；屏東萬巒地名。

⁹ 的準：音 dag zhun\；非常準確、精準。

編號 3 號

【毛蟹】邱一帆原作

日頭下，圳溝肚，脣頭个石縫仔，伸出毛蟹个兩支大夾，大夾面頂絨絨个毛，分流水梳到一條一條，對清清个圳水面頂看下去，仰般條理清楚。阿明輕手輕腳打水尾，一步一步行兼該石頭縫，黏皮手一抓，恁堵好！手指嘎分毛蟹夾著，目珠窟一下灌入大水，痛到緊喊阿姆哀！

毋盼得放過毛蟹，阿明盡命牯愛摻毛蟹拉出來，毛蟹也死命牯退落深深个空肚去，阿明个手毋知仰般嘎分空肚石縫卡著，無法度再過伸落去，也無法度摻毛蟹拉出來，出入就毋得。仰結煞？阿明用盡歸身个力，尿就險險洩出來，正摻該支左手擲出來！該載正得，手伸得出來，毋過，手指嘎夾著一支毛蟹夾——毋著！係分毛蟹夾夾著，毋得殿正著，這擺該死咧！

夾到纏纏个毛蟹夾，害阿明痛到會死，佢目汁含等，遽遽用正手兩指，強強摻夾仔搥¹下來，手指面兩點分毛蟹夾著个痕，清清楚楚、積血積血！阿明心肝肚想：「捉毋著毛蟹，毛蟹夾也毋好打爽！連蝦公共下帶轉去炒，摻肉挖來食，再過摻佢个毛刮

忒、串肥料線，拿來做夾仔搞，分人經驗一下分毛蟹夾著个痛……」。

阿明當記得，三十零年前還讀國小時節，分毛蟹夾著个這隻故事！三十年前，小南埔莊外个大河壩、外崗圳、中央圳、莊項个圳溝、脣頭个坑壩，阿明對水頭到水尾哪位就有行過，哪位就有搞過。佢長下看著毛蟹、釣著毛蟹、食著毛蟹。阿明當記得，有一擺落大水、出汶水，佢在坑壩釣毛蟹，毛蟹一擺就兩隻、兩隻分佢釣起來，無一點鐘，就張滄歸錫桶，佢歡歡喜喜攞轉屋家，分阿姆做料理。又有一擺做大水个臨暗仔，阿明看著歸群歸群个毛蟹，蹶上石礮，跔等山溝、山壩行等上……。

三十年前，哪位就有、麼人就做得捉、麼人就食得著，該河壩、坑壩、圳溝肚个毛蟹，走到哪位去咧？三十年後，政府大量對中國進口，廢田地、挖魚塘來畜个毛蟹，講啊著一隻就愛幾下百銀來買，麼人買得起、麼人食得起？阿明實在恸毋解。

¹ 搥：音 dui / ；扯。